

欽定前漢書

卷三十一
五十三

前漢書卷三十一

漢 蘭 臺 令 史班 固撰

唐正議大夫行秘書少監琅邪縣開國子顏師古注

陳勝項籍列傳第一

服虔曰傳次其時之先後耳不以賢智功之大
小也師古曰雖次時之先後亦以事類相從如
江充息夫躬與蒯通同傳賈山與路溫舒
同傳嚴助與賈捐之同傳之類是也

陳勝字涉陽城人

師古曰地理志屬汝南郡

吳廣字叔陽夏人也

師古

曰地理志屬淮陽夏音工雅反

勝少時嘗與人傭耕

師古曰傭耕謂受其

雇直而爲之耕

輟耕之壟上

師古曰輟止也傭耕謂受其
壟上謂田中之高處

言賣功傭也

耕

然甚久曰苟富貴無相忘

師古曰但一人富貴不
問彼此皆不相忘也

傭者

笑而應曰若爲傭耕何富貴也勝太息曰嗟乎燕雀安

知鴻鵠之志哉

師古曰鴻大鳥也水居鵠黃鵠也一舉千里鵠音胡督反

秦二世元

年秋七月發閭左戍漁陽九百人

師古曰閭里門也發閭左之人皆遣戍也

解具在食貨志

勝廣皆爲屯長

師古曰人所聚曰屯爲其長帥也

行至蘄大澤

鄉會天大雨道不通度已失期失期法斬

師古曰度謂量計之音大

各反

勝廣乃謀曰今亡亦死舉大計亦死等死死國可乎

勝曰天下苦秦久矣吾聞二世少子不當立當立者乃

公子扶蘇扶蘇以數諫故不得立上使外將兵

師古曰數音所

角反下

今或聞無罪二世殺之百姓多聞其賢未知其

死

如淳曰扶蘇自殺故人不知其死或以爲不知何坐而死故天下冤二世殺之師古曰如或說皆非此言

我聞二世已殺扶蘇矣而百姓皆未
知之故勝廣舉事詐自稱扶蘇耳
項燕爲楚將數有

功師古曰燕愛士卒楚人憐之或以爲在今誠以吾衆

爲天下倡師古曰倡讀曰唱謂首號令也宜多應者廣以爲然迺行卜

卜者知其指意曰足下事皆成有功然足下卜之鬼乎

李奇曰卜者識曰所卜事雖成當死爲鬼惡指斥言而勝失其指反依鬼神起怪也蘇林曰狐鳴祠中卽是也

如淳曰以鬼道威衆乎但用人事也師古曰李如之說皆非也卜者云事成有功然須假託鬼神乃可興起耳

故勝廣曉其此意則爲勝廣喜念鬼曰此敎我先威衆

魚書狐鳴以威衆耳
耳迺丹書帛曰陳勝王置人所罾魚腹中師古曰罾魚網也形如仰

繳蓋四維而舉之音曾卒買魚烹食得書已怪之矣師古曰亨音普庚反又

間令廣之次所旁叢祠中宋祁曰旁音步浪反夜篝火狐鳴呼

乾隆四年校刊
前漢書卷三十一
列傳

曰大楚興陳勝王

鄭氏曰間謂竊令人行也張晏曰戌人所止處也叢鬼所憑也師古曰張

說非也此言密於廣所次舍處旁側叢祠中爲之非戌人所止也叢謂草木岑蔚者也祠神祠也構謂結起也

呼音火故反

卒皆夜驚恐旦日卒中往往指目勝廣

師古曰指而私

目視之○劉奉世曰按此諸詭異但主陳勝耳卒何爲並日吳廣然則衍廣字

勝廣素愛人土

卒多爲用將尉醉

師古曰將尉者其官本尉耳時領戍人故曰將尉

廣故數言

欲亡忿尉令辱之以激怒其衆尉果笞廣尉劒挺廣起

奪而殺尉

師古曰挺拔也尉劒自拔出廣因奪取之

勝佐之并殺兩尉召令

徒屬曰公等遇雨皆已失期當斬藉第令毋斬

服虔曰藉猶借

也第使也應劭曰藉吏士名藉也第次也言今失期當斬就使藉第幸得不斬戍死者固十六七也蘇林曰藉

假第且也晉灼曰酈食其傳第言之外戚傳第一見我蘇說是也師古曰服應說第義皆非也晉氏意頗近之

而猶未得漢書諸言第者甚衆第但也語有緩急耳言但令無斬也今俗人語稱但者急言之則音如第矣酈食其外戚傳所云第者皆謂但耳義非且也而戍死者固什六七且壯士不

死則已死則舉大名耳侯王將相寧有種乎

師古曰言求之而得

不必

屠胄徒屬皆曰敬受令乃詐稱公子扶蘇項燕從民望

也袒右稱大楚

師古曰袒右者脫右肩之衣當時取異於凡衆也

爲壇而盟祭

以尉首

師古曰以所殺尉之首祭神也

勝自立爲將軍廣爲都尉攻大

澤鄉拔之收兵而攻蕘蕘下乃令符離人葛嬰將兵徇

蕘以東

李奇曰徇略也師古曰音似峻反

攻鉅酈苦柘譙皆下之

師古曰五

縣名也鉅音竹乙反酈音才多反

行收兵比至陳

師古曰比音必寐反

兵車六七

百乘騎千餘卒數萬人攻陳陳守令皆不在

師古曰守郡守也令

縣令也○劉敞曰按秦不以陳爲郡何庸有守乎疑衍皆字又守者非正官權守者耳獨守丞與

戰譙門中

晉灼曰譙門義闕師古曰守丞謂郡丞之居守者一日郡守之丞故曰守丞譙門謂門上

爲高樓以望者耳樓一名譙故謂美麗之樓爲麗譙譙亦呼爲巢所謂巢車者亦於兵車之上爲樓以望敵也譙巢聲相近本一物也今流俗書本譙下有城字非也此自陳耳非譙之城譙城前已下矣○劉敞曰此門名譙陳與譙隣門去譙路者也不勝守丞死乃入據陳數日號召三老

豪桀會計事

師古曰號令召呼之

皆曰將軍身被堅執銳

師古曰堅堅甲

也銳利兵也

伐無道誅暴秦復立楚之社稷功宜爲王勝乃

立爲王號張楚

劉德曰若云張大楚國也張晏曰先是楚爲秦滅已弛今立楚爲張也師古曰

張說是也

於是諸郡縣苦秦吏暴皆殺其長吏將以應勝廼

以廣爲假王監諸將以西擊滎陽令陳人武臣張耳陳

餘徇趙汝陰人鄧宗徇九江郡當此時楚兵數千人爲

聚者不可勝數

師古曰聚音材喻反

葛嬰至東城立襄彊爲楚王

師古曰東城縣名地理志屬九江郡

後聞勝已立因殺襄彊還報至陳勝

殺嬰令魏人周市北徇魏地

師古曰卽梁地非河東之魏也

廣圍滎陽

李由爲三川守守滎陽廣不能下勝徵國之豪桀與計

師古曰徵召也

以上蔡人房君蔡賜爲上柱國

鄭氏曰房君官號也姓蔡名賜

晉灼曰張耳傳言相國房君是也師古曰房君者封邑之名非官號也

周文陳賢人也嘗

爲項燕軍視日

文穎曰周文卽周章也服虔曰視日旁氣也如淳曰視日時吉凶舉動之占師

古曰視日如說是也

事春申君

應劭曰楚相黃歇

自言習兵勝與之將軍

印西擊秦行收兵至關車千乘卒十萬至戲軍焉

師古曰戲

水名在新豐東音許
宜反解具在高紀

秦令少府章邯免驪山徒人奴產

子

服虔曰家人之產奴也師古曰
奴產子猶今人云家生奴也

悉發以擊楚軍大敗

之周文走出關止屯曹陽

晉灼曰亭名也在弘農東十
三里魏武改爲好陽師古曰

曹水之陽也其水出陝縣西南峴頭山而北
流入河今謂之好陽澗在陝縣西四十五里

二月餘章

邯追敗之復走屯池

師古曰
屯音湏

十餘日章邯擊大破之周

文自到軍遂不戰武臣至邯鄲自立爲趙王陳餘爲大

將軍張耳召騷爲左右丞相

師古曰召
讀曰邵

勝怒捕繫武臣

等家室欲誅之柱國曰秦未亡而誅趙王將相家屬此

生一秦

師古曰言爲讎敵與秦無異○宋
祁曰按張耳傳作相國房君諫

不如因立之

勝乃遣使者賀趙而徙繫武臣等家屬宮中

師古曰徙
居宮中示

優禮也拘而不遣故謂之繫而封張耳子敖爲成都君趣趙兵亟入

關

師古曰趣讀曰促亟急也音居力反

趙王將相相與謀曰王王趙非楚

意也楚已誅秦必加兵於趙計莫如毋西兵

師古曰勿令兵西出

也使使北徇燕地以自廣趙南據大河北有燕代楚雖

勝秦不敢制趙若不勝秦必重趙

師古曰重謂尊重也

趙承秦楚

之敝可以得志於天下趙王以爲然因不西兵而遣故

上谷卒史韓廣將兵北徇燕

張晏曰卒史曹史也

燕地貴人豪桀

謂韓廣曰楚趙皆已立王燕雖小亦萬乘之國也願將

軍立爲王韓廣曰廣母在趙不可燕人曰趙方西憂秦

南憂楚其力不能禁我且以楚之強不敢害趙王將相

之家今趙獨安敢害將軍家乎韓廣以爲然乃自立爲

燕王居數月趙奉燕王母家屬歸之是時諸將徇地者

不可勝數周市北至狄

師古曰縣名也後漢安帝時改名臨濟

狄人田儋

殺狄令自立爲齊王反擊周市市軍散還至魏地立魏

後故甯陵君咎爲魏王

應劭曰魏諸公子名咎欲立六國後以樹黨也

咎在勝

所不得之魏魏地已定欲立周市爲王市不肯使者五

反

師古曰反謂回還也

勝乃立甯陵君爲魏王遣之國周市爲相

將軍田臧等相與謀曰周章軍已破

服虔曰周章卽周文

秦兵且

至我守滎陽城不能下秦軍至必大敗不如少遺兵足

以守滎陽

師古曰遺留也

悉精兵迎秦軍

師古曰悉盡也

今假王驕不

知兵權不可與計非誅之事恐敗因相與矯陳王令以

誅吳廣

師古曰矯詐也託言受令也

獻其首於勝勝使賜田臧楚令

尹印使爲上將田臧廼使諸將李歸等守滎陽城自以

精兵西迎秦軍於敖倉與戰田臧死軍破章邯進擊李

歸等滎陽下破之李歸死陽城人鄧說將兵居郟

師古曰說

讀曰悅郟東海縣也音談

章邯別將擊破之

○劉攽曰按是時章邯方至滎陽何暇遣將圖

東海疑郟是郟字下乃有郟下軍耳

鄧說走陳銍人五逢將兵居許章邯

擊破之五逢亦走陳勝誅鄧說勝初立時凌人秦嘉銍

人董緤符離人朱雞石取慮人鄭布徐人丁疾等皆特

起

張晏曰凌泗水縣也銍符離沛縣也取慮徐臨淮縣也師古曰緤音先列反取音趨又音秋慮音盧將

兵圍東海守於郟勝聞廼使武平君畔爲將軍

張晏曰畔名也

監郟下軍秦嘉自立爲大司馬惡屬人

師古曰不欲統屬於人

告

軍吏曰武平君年少不知兵事勿聽因矯以王命殺武

平君畔章邯已破五逢擊陳柱國房君死章邯又進擊

陳西張賀軍勝出臨戰軍破張賀死臘月

張晏曰秦之臘月夏之九

月臣贊曰建丑之月也師古曰史記云胡亥二年十月誅葛嬰十一月周文死十二月陳涉死贊說是也勝

之汝陰還至下城父

師古曰下城父地名在城父縣東父音甫

其御莊賈殺

勝以降秦葬碭諡曰隱王勝故涓人將軍呂臣爲蒼頭

軍

應劭曰涓人如謁者將軍姓呂名臣也時軍皆著青巾故曰蒼頭服虔曰蒼頭謂士卒青帛巾若赤眉之

號以相別也師古曰涓潔也涓人主潔除之人涓音蠲

起新陽

師古曰縣名也屬汝南郡攻陳

下之殺莊賈復以陳爲楚初勝令鉅人宋留將兵定南

陽入武關留已徇南陽聞勝死南陽復爲秦

師古曰爲音于僞反

宋留不能入武關迺東至新蔡遇秦軍宋留以軍降秦

秦傳留至咸陽車裂留以徇

師古曰徇行示也以示衆爲戒徇音辭峻反

秦

嘉等聞勝軍敗迺立景駒爲楚王引兵之方與

師古曰之往也

方與縣名也方音房與音豫

欲擊秦軍濟陰下使公孫慶使齊王欲

與并力俱進齊王曰陳王戰敗未知其死生楚安得不

請而立王公孫慶曰齊不請楚而立王楚何故請齊而

立王且楚首事當令於天下

師古曰首事謂最先起兵

田儋殺公孫

慶秦左右校復攻陳下之呂將軍走徼兵復聚

如淳曰徼要也

徵散卒復相聚歛也

師古曰徵音工堯反與番盜英布相遇

師古曰番即番陽縣也於番爲

盜故曰番盜番音蒲何反其後番字改作鄱

攻擊秦左右校破之青波

文穎曰地

也復以陳爲楚會項梁立懷王孫心爲楚王陳勝王凡

六月初爲王其故人嘗與傭耕者聞之乃之陳叩宮門

曰吾欲見涉宮門令欲縛之自辯數乃置

師古曰辯數謂自分別其

姓名也并歷道與涉故舊之事故舍而不縛也數音山羽反

不肯爲通勝出遮道而

呼涉

師古曰呼謂大喚也音火故反

廼召見載與歸入宮見殿屋帷帳

客曰夥涉之爲王沈沈者

應劭曰夥音禍沈沈宮室深邃之貌也沈音長舍反楚

人謂多爲夥故天下傳之夥涉爲王由陳涉始客出入

愈益發舒言勝故情或言客愚無知專妄言輕威勝斬

之諸故人皆自引去由是無親勝者以朱防爲中正胡

武爲司過主司羣臣諸將徇地至今令之不是者繫而罪

之以苛察爲忠其所不善者不下吏輒自治師古曰不以付吏而

防武自治之勝信用之諸將以故不親附此其所以敗也勝

雖已死其所置遣侯王將相竟亡秦高祖時爲勝置守

冢于碭至今血食王莽敗廼絕師古曰至今血食者司馬遷作史記本語也莽

敗廼絕者班固之詞也於文爲衍蓋失不刪耳

項籍字羽下相人也韋昭曰臨淮縣初起年二十四其季父梁

梁父卽楚名將項燕者也家世楚將封於項師古曰卽今項城縣

故姓項氏籍少時學書不成去學劔又不成去梁怒之

籍曰書足記姓名而已劔一人敵不足學學萬人敵耳

於是梁奇其意乃教以兵法籍大喜略知其意又不肯

竟梁嘗有櫟陽逮請斬獄掾曹咎書抵櫟陽獄史司馬

欣以故事皆已

應劭曰項梁曾坐事傳繫櫟陽獄從斬獄掾曹咎取書與司馬欣抵相歸抵也

已止

梁嘗殺人與籍避仇吳中吳中賢士大夫皆出梁

下

師古曰言皆不及也

每有大繇役及喪梁常主辦陰以兵法部

勒賓客子弟以知其能秦始皇帝東遊會稽渡浙江

應劭

日浙音折晉灼曰江水至會稽山陰爲浙江

梁與籍觀籍曰彼可取而代也

梁掩其口曰無妄言族矣

師古曰凡言族者謂族誅之

梁以此奇籍

籍長八尺二寸力扛鼎

師古曰扛舉也音江

才氣過人吳中子弟